

于湖小集

于湖小集卷第三目錄

後苦熱行

題吳樸心小影

太虛者氣之萌牙易氣迭息生

六月初九日放船自蠓磯回夜宿江上小閣

歷歷

詠新製荷葉露

題呂九霞丈雜臨古帖

漫寫三絕句

戲題上楊宣州

北牖

天門山

哭朱鼎甫山長四十均

近事書憤和友人作十二首

重有感四首

約同人登高

混混

九月十二日又至皖口

夜讀六潭詩

大觀亭

緣省

何異

題南唐徐常侍集

金陵道中雜詠

未能篇

聞金州陷

七十二汀

簡鄭太夷舍人

戲上六潭

鍾山

別鍾山

題南皮師集

答六潭

印庚兄病新起

重修滴翠軒寄題

附錄重修滴翠軒記

砭躁

戒瞋

題雲門集後

已入深冬庭蕉猶綠

調思齊

偶咏三國事

夜寒懷節菴

關西軒

西菴

攜梁肅登北樓望見小九華山頂殊了了分明向者
莽鹵未之見也今始得之

巡夜至觀音松夜半月出寒瑩熱然灑析毛髮慨然
北望不覺長歌以當阮生之哭果誰爲聽之邪

自題披僧伽梨小影五首

寄薛十八仍園

懷致仕黃通政丈

食冬筍有感

江介卽事

近事

夜讀雲門集贈友人詩有臨汝亦修道端居鴈水厓
隨身欠春艸無玉倚秋葭云云戲答之

南菴僧自言一字不識殊歎異之以爲有眞理

又絕句三首

子與印根石筇積潭澤民子剛霞儕仲武諸君泉下

走同集永福精舍人各照一相付山僧度之西龕

題水明樓二首

誰與

咏樊渭南卽效其體

咏史

海客別墅

兒輩謁新修黃文節祠堂回作詩示之

蔚藍天一角

玩鞭亭

王參戎牛鎮甸魏致孺王餘春祺子麇熊口口王杉

園徐叶亭家石甫九人宴集用太西法照爲九髯圖
索題句

友人新爲買三泖宅寄贈前主人二首

寄思齊

赭山西軒宴集薄暮醉歸書此

北出有地名一天門戲題

夜起四更雪

雪窗下靜坐追憶亡兒松喬

觀物

文沖以新得賀監碑遺余爲之狂喜奉和

阿房

花下

江閣卽事寫五截句

上虞山尙書

西園老少會者十三人以序敷坐合照一相于爲題

曰一冷相

蘭陳垂病矣遂之密室以溫之

六潭居士寒夜獨酌走以病足不獲侍密坐而呼童

奴送酒淮戲作

京師三憶詩

香山卧佛寺中杪欒花

崇效寺朴和上題名卷

西黃寺清淨化城

小除日約六潭同守歲

于湖小集

詩三

芳郭鈍窵

後苦熱行

甲午長夏

赤龍敕斷清飈吹斬簟虛設黃琉璃蘭筍山人席嫌暖

謂約

人齋老

慢膚多汗真退之去年疾疫徧四境田父野老呻創

痍今年畏壘免疵癘五穀結實宜炎曦

古諺六月不熱五穀不結卻思

避暑高歡宮風峪凜冽捫穹碑安得斲冰河朔去賓雁始

卜南來期焦原草木亦畏炙手抉河漢探湯池邀公造作

排募語強餞徂暑尻輪馳礮車雲起喚急雨一洗六合蘇

蒸炊

題吳樸心小影

墮甌初不顧早曾知孟生坎坷嗟遂往颯爽未忘情品藻
儒兼俠浮湛枯又榮迴思騎兵語素抱偃縱橫

太虛者氣之萌牙易氣逝息生

氣炎人鬱蒸水熱魚淪病生物息相吹天機妙游泳放之
清冷淵吐納空明鏡遊於至靜中遂得其真性湛然主人
翁萬緣無將迎去彼賊生者與汝養生竟

六月初九日放船自蠓磯回夜宿江上小閣

退之迷杜尹艫煙辨江色橫江獵菰蒲撇漩如隼翼習流
操八槳奮與水爭力强振戈船回水伯鮫宮逼濤撓萬頃

怒塔與兩尖直少焉艤江閣攜汗不能食月出挂太空圓
成水晶域金波吹海濤天浸水一色瀉碧蜀雲端浮青楚
望極馮欄攬異景夜明羣籟息喚取謫仙人來供文字職
惟嫌擾擾蚤幾嚙鹿筋國不解苛政除扇以冰霜殛且辦
一宿禪物變良可測

歷歷

往事真堪歷歷思郎官畫省贊成絲竹西酒漬衫痕透薊
北箋飛鉢韻奇浮玉山前箭楊屐湧金門外看袁詩廚人
喚斫東溟鱸躑躅江湖語向誰

時有倭寇之警

詠新製荷葉露

世事紛紛笑劇棋
惟將服食託羲之
蒸成玉甌浮千葉
敕賜金莖露一卮
姑射神人餐特妙
茂陵園令渴還宜
合丹不用青蓮瓣
踵息猶應看上龜

題呂九霞丈雜臨古帖

正始風流那可追
玉堂鈴索夜論思
莊嚴筆不忘規諫
想見先生下直時

又

妙得乾嘉逸老傳
輕於蟬翼瘦金鐫
山陰裴兒誰消息
一卷蘇齋論入弔

翁蘇齋作唐楷晉法表羅縷石墨一字一畫必求其朔爲近人楷法源原所祖

又

不妨兼探元明氏逸態逃虛子恣橫蜺迹君家述聖頌遊

絲釵腳綴分明

唐石刻有呂向述聖頌與諸法一鼻孔出氣

又

密度針痕到道因小歐陽出接清新臨櫺迴憶桑根叟老

輩臨池見性真

外舅薛淮生先生與九丈同年至好庚申秋居園城中摹吳修刻國朝名人簡尺

盡十二卷

一筆不苟

漫寫三絕句

暫出後援看青莎如許長暗蟲聲似織急箭換流光

青荷折灩灩未殘一兩朶來伴淨名居倦禪藁駢坐

海右蠻攻觸紛紜黍一炊北風吹汝急倔強豈多時

謂俄強可

言三
乘逆倭
之弊

戲題上楊宣州

道人絕粒轉河車顏色如童鬢未華坐對清饒千畝竹不
栽深色一叢花敬亭竟落丹青手陳跡他時粉墨誇遙想
官閑池上酌溪深林外數磨磨

北黟

北黟石筍壓天半碧樹縹渺容成家四百由旬望不到三
千甲子始一花何人憑虛吹比竹有客度瀨將疎麻欲登
雲海一遊日擾擾海市關魚蝦

天門山

岩嶷天門山峽束青羅帶

韓詩江作青羅帶

疑有神人栖問道知

去害紫芝今有無雲氣如羽蓋下瞰馮夷宮森然列紫貝
驪龍幾時寤或盜元珠猶金鐙閃翠旃淇濤起蠶繭誰轡
扶桑弓劍倚青天外水宿鷗相呼江空月逾大夜深聞闔
開倏爍電光會願借任公鉤長鯨行可膾

哭朱鼎甫山長四十均

海內論文友臣今質已亡卜鄰乖夙約舊業媿偏荒封事
蕭長倩謫官虞仲翔鴈鷗一鍛羽蛩駘遂分行策杖枕椰
浦談經薜荔堂地卑驚賦鵬君物於廣雅書院軸折阻騰驤簡尺
稀頻訝憂端病未詳迹同坡厲惠騷擬柳浮湘義故芻干

束栽培木幾章及門羅竹箭正議掃秕穠區著殺青待諫
書焚草將赤心酬造化甘節憺風霜玉剖荆廷璞珠箋漢
殿囊娛親粳潔白竹卿年丈今里居尙健鉉我志洗洋不墜明招緒
重熏麗澤香兮虛箴老釋素履戒行藏以上述鼎甫遺書規我之詞炎
海紛蕉荔西臺孤鳳皇斯人貞石介應侍

帝星傍玲倚姜家被令弟苗生相依官嶺表醫窮陸氏方講帷虛摯

雁久訂明年來主中江書院開徑失求羊丹旒何時返烏傷望歲穰添

丁猶在劍列子憶連牆蘸筆紫薇閣甲戌夏同筮仕內閣舍人丙子同登第改

官分箋青豆房仙官遷柱史龐尉落潛郎明月弓三夜清

樽尺五莊柳湖落逕窄棗寺藥欄長塞上黃鸝曲燕中墮

馬妝豔歌雙笛振新譜九機張禊日邀癯李悉伯端公花時讌

硬黃謂澈蘭通政丈昔黃琴鳴先生立朝清介人輕舟泛

北汧健筆入南牀歷歷前塵數駸駸隙駟忙英華真靡絕

神理未能忘昔夢爭王室今瞻滯瘴鄉謀歸清穀水毋恩

濁醪場來書屯難憂禾絹彫殘解蕙纒樂浪惟毒螫伊豆

起披猖北極

仁兼育東鄰餽矯攘雲浮障日轂島裔墀鼉梁鵠嶺朝占

氣龍淵夕掩鉉青楓白瀨外望遠獨神傷

近事書憤和友人作

海氣昏昏澤若蕉天何此醉島夷驕毒檠竟遣流東社狡

計俄傳起北條

倭執政有北條氏

絕塞蒼鵝朝墀听嚴更元菟夜

聞刁當時只恨童男女遺種流傳獍一梟

二

帝澤如天覆樂浪薄來賜予極豐穰不須瓜子金充貢但

取松皮扇實筐橫草甸前思猛士善花宮裏誤屏王

東史武康

王妃號善

萬波息笛藏何處

新羅傳國寶有神笛吹之可以御兵止雨號萬波息笛見

東京雜記

不止倭氛起陸梁

三

狻夷安忍遽渝盟煩費戈船跨海征爭險遲趨碧蹄館伏
戎旋還赤眉兵道家後起應多算師律前驅討不庭貢道

無端阻藩部

敕徵邊將集三明

四

恭聞下

詔奮天戈盜弄頻煩尉候訶虜騎已過東對

馬行人猶款小飛驒張弓欲挂扶桑表漂炭迴傾析木波

自是殷憂開

廟略捷書早晚奏新羅

前明萬曆朝東甯起議封貢召見倭使小西如安倭使自署云小西

飛驒守飛驒郡名也明史作小西飛者誤

五

天子臨軒按湛盧華離誰敢割方輿東丹猛士徵千騎關

白豐臣本一奴最憾載書槃不定致令爭道博先輸吹屑
動地狼心縱何苦行仁茲父愚

六

橫海將軍金貝裝誰知呂姥佐蕭娘寵新賜秩貂爲珥膽
怯蒙皮虎似羊猶迨社郵遲伏劍坐邀長鬣猝焚艤經營
一擲金千萬蓋海飛雲鐵作檣

七

月照大同江上愁孤劍轉戰燼餘收空券不敵礮車惡折

戟猶捲長狄喉荀偃幸能旋馬首

葉志超自拔牙山之圍由公州平康等處迂道

出險直趨平壤

陳安旋慘失蛇矛

八月十六日平壤大鎗軍內帑營失陷左寶貴殉難

攷金闕敵愾疇分

聖主憂

八

欲下雷霆 詔鬱森腥風血雨滿雞林失機自貶應加等
吹角連營未一心此錯無州堪鑄鉞相公有帶但橫金安
平坐擁楮頤劍不揅東征萬馬瘡

九

久將玉斧劃藩陲追咎珠槃屢失詞鳴綠豈容鄰異域烏

黃誰迅赴兵機

魏默深先生詩烏黃入藥卽兵機

楚縱未合前言食

英使歐格

訥奉其國命居閒排解議未決而逆倭遽開砲毀我兵艦

秦媾須成右臂規

或云倭暗結俄援此

詩三

主

水明樓

時務離俄倭之交則併力東征
規功較易前曾上書言之當事
交遠近攻應決策喻張方
略用奇時

十

鯢身鹿耳控重關碑海嚴兵甲盡環礦產禁毋窺八斗基
開煤之地 颶風召使覆三山槍幡縛取高無賴亡友潘孺
名入斗 嘗論倭國詔晚西人而時時與我 玉帛終朝衛朶顏黔首
搆難其行徑酷似五季之高賴子 不教還不若中朝鑄鼎洞神姦

十一

朝來夷氣若幡船蕩蕩名城漆不堅月黑梟鳴箕子殿雲
頽鹿角柳條邊納蘭都護牙旗出 承恩公桂都統祥奉大
命率禁旅守榆關

樹將鉤肘印懸

尚書銜宋甸門慶新拜幫辦北洋何務之

命

蹴破十洲期會

飲氣吞三島誓平填

十二

漢家玉壘千城列海國金州百島蟠
卧榻豈容人睡側
禡牙重拜將登壇氣成龍虎蒼牙聚
洲擣靖蜒黑子看會責殊方犀布入
更犁陽谷勒銘刊

重有感

東藩雲氣坳離離國小民貧本不支
使者昔臨中執法敵

人今斥下句驪

國王字珠淵好文工筆寫行書光緒十年副都吳公奉命使東宣慰王贈以楹聯

署稱中執法云云

厲民已見星搖雷互市何堪日漏卮地勢朱蒙

接員嶠蕭條桑海幾陵夷

又

北遼南陽屢告禋大東杆軸困蒼黔符催借權商滋憊令

下徵兵力豈任精氣變痰非異物

梁溪李忠定云精氣變痰痰亦可變爲精氣非

二物也言治亂無常在謀國者振作精神知人善任耳

木生自蠹啟戎心請看厯厯

康熙事龍戶鯁人孰敢侵

又

諸道雄師出朵顏敵來烽火照巖關豈容西渡馬訾水甚

欲東封熊野山箕子八條聲教在營平七十鬢毛斑道旁

士女壺漿迓天使威儀競欲攀

謂甘肅提督軍門蓬萊宋公慶

又

螳雀相持共一蟬
虞人挾彈又窺邊
殺機恐起龍蛇陸
安樂宜鉞燕鳩緣
上策莫如先自治
尊生要視後能鞭
釣磯立盡蒼落冷
獨向西風百慮煎

右詩十六首係八月杪作當時尙未恭讀

諭旨大東溝之戰水師記名總兵鄧公世昌首先衝陳攻
燬敵船死事最烈優卹之

命詩中未及當補贊之

約同人登高

桓冢自紉歌誰繼
謝氏青山宅已荒
欲共英流弔陳迹
不

妨老子據胡床愁侵北雁邊聲起心與黃雲海色涼

久思爲黃

山文殊頂之游

一卧滄江秋又晚試紉萸佩作重陽

混混

年仍疵癘病交侵世故崎嶇闕素襟苛政民多魚碎困列
州吏有繭絲心雅耽老阮東平趣一誦高生北叟吟混混
只隨流俗處忘言笑我不如瘖

九月十二日又至皖口

樅陽江畔清可憐何處射蛟臺屹然浮空楚岫不斷碧映

水吳楓無數鮮腐儒誰請尙方劍學佛猶賒離欲天

自恨持戒

律太淺不辦了界內因果何敢更望出界外因果

風塵碌碌插手版夜望北斗闌

于懸

夜讀六潭詩

清麗雄奇兼二勝
瀉峽泠泠山水音
光明一片如鋪錦
贈答雙南出碎金
襟靈瀑布梁邊滌
詩律翁山句裏尋
我願爲雲相上下
挂席東歸天姥岑

九月十九日招仙術拙存重黎讌集大觀亭

天台王詠霓子裳

盛唐山外古亭荒
來與羣公醉一觴
遠岫風花隔江水
高秋雲樹展重陽
似聞遼瀋邊聲惡
不盡滄溟海氣黃
寄語東征諸節度
幾時痛飲出居昌

縣名屬慶尙道倭兵必經此

大觀亭

袁昶

大山來龍鬚勢若奮若搏前江後襟湖雲水氣參錯蓬萊
割左股列岫皆削弱長風號壘空崩濤聒張樂浮天巨東
南蕩涵界林薄居民萬瓦蟠鱗鱗曝增壑何人亭其上危
構介邱託以供雲將徒笑對鴻蒙躍仙人王子喬晨策蹕
彥約是日六潭賓酒召客仙荷玉杵羅珍饈江味剖郭索
拙存諸勝流以次入座北風吹墊巾濁酒其斟酌主人乞得子幹家美酒一壺山根祕精靈江
水此鏤鑰至人游貞觀外物隘寥廓襟期耽靜退龕拯仗
流略弛張靡常家榮晦無滯著行藏际平時德論契寂漠
各適真君趣大道有龍螭

和

長白聯元仙術

危亭鶴俯啄奇石獸仰搏林衣青續紛山果丹璫錯窪疑
仰叵羅凸儼鸞繁弱張之嵇生琴韵以洞庭樂佳客賞心
同主人嫌酒薄湛醪乞芳鄰轟飲吸巨壑清濁一中之賢
聖欣所託哦如堅金撞契比鋌鐵躍浮瀾聳層觀勝寄標
夙約未覺秋爲氣浮雲掃蕭索時平多憂虞興到足斟酌
青鵠瞰樓船白蜃論祕鑰海圖開曲紆善策戒膚廓東伐
思前籌北俱偉廟略師以後直強弈貴先幾著雄藩
規朱蒙銘勒靖松漠方將封云亭毋爲安輿螭

緣省

不論道根深淺但觀時節因緣法侶財地四緣湊泊倚三機問北叟
憑一箭度西天

何異

朝花菊裁吐夕秀蘭未披何異羅含宅湛冥玩華滋

題南唐徐常侍集

文律隋前名理雋學林宋後野言多斯編正始音猶在章
草兼存晉一波

金陵道中雜詠

同舟適喜遇林宗旅泊蕭然減僕從小語旋聞吹氣箛樓
船搖蕩碧千峯十月十九日江上早發遇六潭同年
先在船中倚欄絮語時局憂端非一

海舶便如趁夜航十由旬里一炊強冷然似御天風去瞥
過名山看未詳

指點荒村杳靄閒兩孤雲叟共看山袖中忽出平倭策便
擬東伐鵠嶺關

弱晉危搜悍鎮頻乞移姑孰笑敦溫俱言避兩天門險今
日天門險豈存

白紵山開落帽筵至今應節響流泉管人作賊皆名士定
較凶頑烏寇賢

牛渚磯長淺草明豈容水恠困溫生祇緣玉鏡臺消耗白
古英雄伐性輕溫嶠薨年
裁四十八

江中盤渦激浪飛舟人指是螭蟬磯不去橫行半天下卻
伏荒江如守雌

遙指鍾山服翼形紫凝仙氣接金庭後湖游迹未曾到欲
破荒寒一泛舲

王氣蔥蔥實壯哉繡旗風颺碧城隈浪淘八代英雄去雲
擁三山紫翠來

行盡青林閒絳林入城楓竹氣蕭森壑城下有溪橋卧宛

轉華林一徑深

想見齊梁華林苑竹林堂皆在今城北

忽遇班荆許小侯碧油幢引向江州立談苦語長安事欲

著春秋考異郵

路過志仲魯略談一炊許卽別去

南皮幕府攬東南江左夷吾度海涵摺挂 君王中興局
六飛親御士東伐

馬行一日城荒寒夕陽倒射山盤盤一雙白鷺衝人起飛

入淺水青明耳

城堞圍經九十許里馬行一日未能盡前

橫築子城一道截城北作負郭此亦要
畫也惜以紳士汪梅村持不可而止

壇刻剝落真逸宅香煙凝紫溪姑祠金堂此去通地肺碧

樹爲我迴春姿

最愛溪光兩定林宋時郭外背城陰想見日斜騎馬去歸

箋字說一銓深

半山亭北宋時在城外荆公父楚公墓在焉公晚罷

相以祠祿判江甯府有直到日斜騎馬歸之句此時
猶未捨宅爲寺遂居城中也

前塵奚止桑三宿昨夢真同黍一炊逆旅主人無恙在隨
緣又度冶城西

城中白塔如孤鶴溪上青林似列屏何處南朝竹竿里花
陰月下酒微醒

逆旅遲君時已昏子雲同年亦同住秦淮夜近酒家村老無萬里

封侯骨且出兵書校白鰲

疲吏觸染世機塵二年蜷伏荒江濱今來放目一快意梁

鄭王楊盡故人

謂星海蘇龕六潭叔嶠

武陵公子對門居舊作長安同隊魚忽漫相期白門路紛

披藻思一華子

問易寶甫亦來此

火中暑退古人云同治湘淮各勁軍吹律近知風不競疲
兵驕將劇紛紛

湘淮子弟盤根久一似牙兵魏博牢何術新軍鍊朝氣吾
皇宰割在操刀

江左何嫌弱與貧入功德水涌粼粼高齋會遣賓賢輾練
布何妨儉示民

征倭方略屬燕公江介猶堪表裏雄收淚新亭仗軍令阿
龍超又謝公融

未能篇

未能頓遣欲界天騎頸縛取神通仙招來盛鬘一丈室天
花飛下著殯肩銀鎗火宅楊枝是纏住香山老居士戒律
唐捐道根淺胡爲宛轉淤泥裏萱芳二草伴衰翁鐵篴吹
空鐫里耳且自消搖作地仙蒿少騎牛行且止牛乎穿鼻
拽將來勿使玉顏彫綠髓

聞金州陷

金州表裏邊門險老將黃回氣未平

往者西平使相召飲
命黃提戎仕林起勸

酒子飲一杯黃憤十杯以爲撫掌之
資今聞其守旅順船塢相持日久

倭馬無端飲裨海佛

狸行自斃堅城北來兵氣傳叢雁東拒軍心觸駭鯨未與

至尊分肝食祇嫌無補是書生

七十二汀

七十二汀煙水闊幾多鈍鳥宿蘆中

逃虛子用寒山大士句一胡鴈報盡鈍若

棲蘆鳥

何時穿得逃虛鼻一證曹溪境智融

簡鄭太夷舍人

大隱藏於市言歸泛海槎
匱鈔東史祕裝帶赤城霞
王室今多難交期喜不遐
外憂甯足懼國論尙紛拏

戲上六潭

共訪花深態奴宅繡衣眞覺夜行賒
鈿蟬一曲伊州淚淥水三橋油壁車
宛似天台鐺阮去流杯擎出飯胡麻

鍾山

鍾山爲我壽顏開骨冷誌公呼不來日射梵宮金世界雲
蒸德水碧樓臺

別鍾山

枯木寒鴉遶古園鍾山無語送行人一牛鳴地茅菴勝投
老他年許卜鄰

題南皮師集

玉帳軍符妙拯錢琬鑄餘事句文參一編手寫香山集留
鎮東林佛火龕

答六潭

何物上酬賢將意遠題璫札手親
閒織成繡段花釵並爲
餉周家阿杜來

印庚兄病新起

菴羅園裏對維摩病過秋天幾剎那
瞥見寒林葉都盡喜
仍獨秀聳喬柯

重修滴翠軒寄題

涪翁游息知何許宛在飛霞落照邊
無復題詩滿青壁只
餘壞磴瀉紅泉洞窗表裏千峯見
州將迴旋九日緣今日
開軒翠仍滴行廚竹裏薦芳鮮

黃文節以崇甯元年六月知太平州九日而罷明年

冬遂有謫宜州之命

又

依然高踞層嵐勝盪射江光暎塔光瓊瑤巖花供宴坐蜻
蜓島寇起披猖寄箋蒼閭知難達託意丹邱亦黯傷那有
梅歌并歐舞用先生守
當塗日事但聞蓮漏六時長

附錄

重修滴翠軒記

方志言赭山有廣濟寺寺西取微徑由磴道直上有軒洞
然勝曰滴翠表裏江山境頗雄廓占一寺之勝黃涪翁所
嘗游憩焉或云勝親山谷書也是說也予嘗疑之涪翁以
崇甯元年壬午六月九日領太平州事十七日奉朝旨送

吏部卽日解船至江口會洪甥至留江上裁七日管句洪
州王隆觀命下遂赴江州九月至鄂州待命次年癸未奉
敕謫宜州疑文節爾時外畏讒慝內迫家累倉猝去官困
於生事未嘗久滯姑溪于湖之間安得有累月淹留從容
題榜之事詩中亦無一字及之意者此軒偶然一到信宿
卽行或攜洪駒父同來皆未可知也兵火後軒燬同治中
新建吳方伯坤修重庀都料匠構架日久無人籌歲修之
費又漸卽積圯歲雜不治甲午秋予出俸泉屬王大令重
修葺之稍稍改觀以爲都人士文酒讌游之所匝兩月而
落成予獨慨夫汴宋崇甯大觀之際羣小負乘奢僭踰制

淫昏煬蔽上下相市曷時黨籍數十君子其老成忠樸者
率貶斥流徙或左降典符卑溼之區相繼物故士氣殄瘁
而宋氏之元氣遂斲削無餘於是宣和靖康之禍旋作至
於其閒瑯絳句律之文士亦復蕉萃專壹鑱刻百態陵轢
萬物

元裕之句蘇門果有功
臣在肯放坡詩百態新

雖若無裨於當時國病不足

預於天下存亡之數然文采風節亦自有不可殲滅者世
運人事迴薄陵夷子蓋馮此軒楯北望傷懷而惡夫涕泗
之無從也軒之所得名想當日寺西多植篁竹森然如滴
故以名之今西垣下亦有竹數百挺足副曩名然古今登
臨游覽之趣發憤審直之指要亦不必盡有合也夫迹出

於履而非故履吾豈指迹以求履而事有曠百世而相感者予獨何能無慨然耶爰率筆記之光緒二十年歲在甲午仲秋之望芳郭鈍叟書

以黃營任淵史容所撰年譜詩譜參互攷之元祐六年長夏山谷在史館丁母憂七年正月護喪還分甯雙井八年九月服除紹聖元年起家授宣州鄂州皆未赴六月許管句亳州之明道宮於開封府界居住山谷遂寓家於太平州之蕪湖揆其情事當是山谷以新有宣州之命故將家東下比到蕪湖聞朝旨予祠遂留家累餽居而白與兄元明赴汴緣史事翻案

待罪陳留二年謫黔州既被命自以罪人無緣復還
蕪湖甯家徑取道劇氏許昌山江陵上峽赴貶所是
年秋山谷弟知命自蕪湖挈家買舟入峽抵黔南相
見前後情事厯厯可知疑僦宅蕪湖時迹雖未淹久
意必有與元明及弟姪登赫山游覽之事或書勝正
值其時未可知也此又一證以待後人詳之乙未年
正月初四日又識公有紹聖元年六月八日彭澤縣
題名蕪湖去彭澤順水程不過六
七日程耳又有池州齊山焦筆巖題名係元年九月
當是既廬家蕪湖定居後偕兄大臨弟叔獻叔達子
樸相槐復買舟往游是時已得予祠之命情事可知
也乾隆中宋譜係以意刪改舊譜多錯悞不可從

廬家蕪湖當在紹聖元年甲戌夏時山谷年裁五十

解太平郡符則在崇甯元年壬午六月十七日時山谷年已五十八兩俱值殘夏畫家言夏山蒼翠而如滴景物政爾相直故寫勝云云理或然邪此又一證也鈍叟再書

砭躁

飲冰可療火馳胸寒靜能治躁熱掌八足蟹難疊空匿一毛蝟已弊囊窮物輕莫遣惜于注情約由來性自充待掃浮華非法語吉人詞寡見全功

戒瞋

古言瞋是心中火晴曝驚雷悟兩傷觸物何緣怨飄瓦游

虛且試坐浮囊李冲晚節徒爲溢謝奕週身亦有防沙性
試看捐喜怒馬渡牛蹋又何妨

題雲門集後

溫三十六芊綿甚唐體千年久失傳大復故應推北地歸
丞畢竟遜荆川奴騷不待加精理衙宋何妨治小鮮姚我
索居何所得判將故技付唐捐

已入深冬庭蕉猶綠

市橋宛轉漲痕消艸綠粘天半未彫不到南州冬暝處誰
知雪裏有芭蕉

調思齊

海叟叨容作厲公

予新卜宅柳上弟爲經營甚力

贈言新仗親家翁蓋頭

一把茆堪住騎上青天兩白龍

偶咏三國事

臧否不言真至慎賢豪多敬復何驕每懷栗栗蹉于垓復

恐搖搖不至朝清濁太分才自寇

以上三句頌葛公

戰爭方始劫

誰消

鄧芝對吳主語

扁舟欲棄江湖去逸翮青邱接絳霄

諸葛公聞吳主殺張溫惜其才雋求其所以取成之

故減膳數日思之未得既而憬然曰吾得之矣其人

是非太明清濁太分此其所以媒禍乎觀公不直對

劉琦登樓撒梯語及不諫蜀主伐吳云法孝直若在

必能制主上東行就行亦不至危云云可見公審時
度分言不妄發知止知默平日銖積寸累用慎言養
氣卽物窮理工夫隨時隨地體驗極精不稍疎失晉
武稱阮籍至慎籍智但足辦自全耳如葛公乃古今
第一憲慎善養氣人也易大傳稱精義入神以致用
利用安身以崇德意惟葛公足以當之故表而出之
以告世士之願擔當大事者

夜寒懷節庵

猝然相遇治城西又隔江程滑滑泥心地政須收汗馬
天同是泛醯雞清愁精酒澆無力寒爆燼灰性不迷我是

逃空四枯相不逢東野肯頭低

闢西軒

身耽白業老復丁菴勝黃庭心太平籜裏瓜牛堪小隱屋
上茅龍時一更待種桃花三兩樹夢傍觚棱如隔生喚得
水邊林下客餐取落英吹玉笙

西菴

西菴傑閣俯林梢行汲軍持納打包三篋遶身炊始給一
牛鳴地轉如扞隔湖鐘度疎籬火倚檻人攀宿羽巢物外
誰知有兵革窳尊真欲老元鰲

攜梁肅登北樓望見小九華山頂殊了了分明向者

莽鹵未之見也今始得之

鬱蟠萬瓦皺幢幢海市歌鐘日擊撞上有浮空九華髯頓
招餐濯眾真降邊氛盜弄侵狼望落日將兒倚蟹窗所得
前游今悔淺更規攜汝上晴崆

允肅敬和

殘雪前宵玉戲工山來獻黛有無中未陪登覽窗塵掃已
覺貞觀世慮空丹刷鶴翎栖縹渺碧浮螺頂倚玲瓏遙知
宴坐陽明老巡視樓舩慰

聖衷

王文成平逆藩後入大九華山中宴坐昨聞張
南皮太夫子巡閱海口水師礮台故以爲比

梁肅敬和

表裏江山指點雄孤雲盡處接飛鴻偶隨撰杖乘清興瞥
見浮嵐插太空赭岫盤紆人海上蒼溪曲抱女牆東他時
擊楫中流去不到扶桑不挂弓

榮安敬擬

久不登樓望所思忽看紺髻出迷離勝緣恰以無心遇今
日裁爲放目期不礙重闌障層碧何須高屐上晴巖昨宵
六出花飛處山色浮來挂頰宜

巡夜至觀音松夜半月出寒瑩熱然灑析毛髮慨然
北望不覺長歌以當阮生之哭果誰爲聽之邪

殘月出林翳山疑放佛光金波照綺水寒迹溪橋霜瑩淨

數石髮蒼然開天間仰眎斗車轍北辰麗中央九華帳亭
宴敕罷桂酒觴似聞青邱問百靈淚浪浪聞思亦低眉冰
炭擲我腸長吏民之備非以役疲吐我思柳子言守分乃
其常保幃斥繭絲秋殺沛春賜顧茲形勝地慮爲荏苒場
爰攜射聲手出作曼胡裝周行度阡陌戴星披寒芒蕭條
極原野搜索誅疏強忽遇阿蘭若鬱鬱松奇礪離間村火
寂磴道凍泉荒憶昨戒臺游宿雲園上方洞天七十二奇
松叢鍼鋹皴龍蟠山骨舞鶴森開張一石一盞偃千厓千
繖收雲根鏤綠字星漢摹

天章

裕陵灑麗藻光氣充紫房十八虬髯公望幸一何長松以
羅漢名巖與盧師望以上述戊寅秋西山戒壇之遊倭塵起頽洞邊門蹂
鳳皇松亦含義憤氣願爲國殤迹今孤蘆滯身仍持戟郎
裴裒大澤畔眷戀玉河梁久蓄聞繫志何心紉蕙纓北望
淚河注排雲謁金堂資誰廓清力慨歎不成章

自題披僧伽梨小影

中有傷心畫不成 先公儒釋界分明若爲畔去過庭錄
休認崑山顧阿瑛

又

紡具燈前供梵書 母恩未報百年劬傳衣最後微言在

詩三
化作軍持守墓廬

先徐太夫人年三十後卽長齋持誦楞伽百八句及金剛了義卅二品數逾

千遍證无生忍

又

迹墨心儒更不疑從他佞佛後生謏誰知元祐人才胞鐵漢心師鐏器之

又

片雲瀟散映精神斗米何妨畧道民不害上牋爭帝室偏安方略在深根

又

他年員石勝詩流

梅村事

罪業穹慈那可酬履薄臨深須努

力莫教黃蘗作驢鞦

寄薛十八仍園

上皇樵隱未全貧
橘課茶租事事新
往復紉書一箭直
懺

除綺語九分人
晚依迂妄爲監郡

謂南皮督部

近屈方回作部

民嵌壁仍園應寫記
游魚猶憶噉青蘋

懷致仕黃通政丈

槐樹斜街舊卜鄰
看花結社動經春
公真魯國奇男子身

是

先皇老侍臣
碁局紫藤花下醉
甌面白獸園前陳
辨奸竟

獲知言譽擊泚行
看段笏新

聞公今秋銷假祝寇聲言犯闕誓以身殉國

蓋倭

食冬笋有感

溪翁曉致蒼龍束萌未成胎已天伐蕭然登我杞菊厨調
以薑泥燻出骨髓緣一飽天隨老厚味腊毒畏天罰北京
繁盛作斤賣華筵猛憶銷金窟朱門酒肉如山臭嚴冬萍
齏出倉猝厨孃臂觸玉條脫羹臠隨宜纖手滑錄公堂餐
筋不下饕餮階前弄蒼鶻南味登梓直一企誰恤寒儒飽
糠粃洛下冠帶何奢汰生民毒痛物力竭竹花無實鳳長
饑風塵瀕洞乘影忽我今用腹不用目喚取庖丁洗泥塋
笱賤滿筐裁百錢食單三九辦嗟咄卻思兩京哭向天
聞道人饑野無蕨烽烟已自照榆關

時逆倭北犯
敵鏢誰
滿陽各屬

能扞金關遠臣對案那能咽遠道無山上章謁猶望
官家哀痛詔策力延登志咆勃
福陵崛起竹皮冠佳氣鬱蔥長不歇

江介卽事

曙色開煙霧山程接水程風吹旗掣獵日射塔空明魚腹
燒丹訣戈船下瀨兵雄州古形勝津吏有逢迎

近事

厯厯開天不定基修門新事說多危丙丁誰進元龜鑑庚
癸人艱白玉炊戚里忽傳投界厄冰山殊鄙進身棋樂天
近有何文句寂寂青山獨往時

夜讀雲門集贈友人詩有臨汝亦修道端居鳩水厓
隨身欠春艸無玉倚秋葭云云戲答之

曩見隨身無二艸今來萱艸侍清癯道場火宅渾閑事須
喫雲門一棒無

居士安心如木槁史君下筆有金丹沼吳九筭今餘幾定
許鴟夷一舸閒

南菴僧自言一字不識殊歎異之以爲有真理

人生識字生憂患底用高名惹斗箕頗訝曹溪篩未熟不
嫌榮特鈍如椎種田幾稜渾難數圍篋三條自足支爲指
無名遠山色問官何愛夏雲奇

又絕句三首

四分硃常依律一个堂堂自做人多少客卿操子墨冰
脂鏤畫總成塵

丈夫各有沖天氣不向如來行處行妙理豈關窟文字機
鋒亦莫逞縱橫

黑窣窣中真有物赤條條地不須衣何勞裝點香山社瑀
飾翻嫌混沌非

子與印根石筇積潭澤民子剛霞儕仲武諸君泉下
走同集永福精舍人各照一相付山僧度之西龕

祇餘一事輸錢演歌伎行廚辦也無故事留真普明院九

華仙住一龕俱

題水明樓

水明樓上三間屋割與仙人一半居下有黃山泉乳美安
排石鈔與風鑪

又

銀漢迢迢界碧城憐予北望未分明不殊老杜夔州夜多
少鉤簾獨倚情

解舍後北樓向未有名予常有京洛之思故取杜句名之

誰與

長明燈下貝多葉誰與緡經伴寂寥衣製六朝宮裏褶溪
環三妹蔣家橋卜居二定林間未俠氣千賢劫裏消酒被

清愁總無賴不堪世事日蕭蕭

咏樊渭南卽效其體

樊家三世軍謀擅鬱鬱昆刀試小礪眉嫵人傳新點筆題
詞自寫舊圖屏仙道奴婢皆冰玉臣朔光芒是歲星不辨
狂吟一千字恐輸才力爾精靈

咏史

古今一例戰枯槁憎愛何嘗有是非濁世用人無真是非
積愛生是積憎生非
所好羽毛成所惡瘡痍見耳諸臣媚子容悅滿前忠言逆
耳斥逐遠方當此之時何嘗有賢不肖之別逮時移事迫
蓋棺失勢遲之又久數十年而後真是非乃見不足狹
以拚人人之公心然其人駿骨久已朽矣是可不憤慨也
澗松無橫出勢炎洲艸有後彫姿此言君子不得地不若
小人之乘時微譽古今

功業出於憑藉有憑藉所據得地則成否則孤立而易敗
楊吳之營昇州爲李昇資元之治會通河爲明資近日曾
胡肅清上游江面藉非向張扼守孝陵衛蔽遮阻遏上游
何由成功此資以地也王陽明倚王瓊張永乃得成功此
資於人也黃石齋先生不結聯鄭氏而時來房杜凌烟續
孤軍獨出蓋預知敗徵必以身殉也
運去劉黃絕粒期忠介甚欲希風行避世敷榮桑果讌親
知

海客別墅

綠樹茸茸似剗齊新開沙路淨無泥豈殊員嶠方壺勝不
盡團黃皺綠畦絕凡竹陰篩璫碎嚴冬木葉翦琉璃我來
彈指蘭閣喜西法由他一闡提

兒輩謁新修黃文節祠堂同作詩示之

風流雙井崇甯寺蛻去人間不計年百代香燒硬黃老一
龕來住蔚藍天窗戶皆嵌藍玻璃閒嘲小德潛夫比更對元明寂
住緣文字但令能照世微塵世樂盡堪捐

蔚藍天一角

招得涪幡與往還蔚藍一角敞禪關
儻荒那識平原面深厚誰明賊杞奸
未必出青資地望幾看成碧眩天顏
吉祥只合精藍坐兀兀騰騰半日閒

玩鞭亭

可兒墳上艸烟霏又過危亭日色微
酒姥偶留鞭七寶眞王竟脫禍三機
碎壺空唱龜雖壽逸鞍難迴馬似飛
折箠

言三
欲管夷逆節灰釘行卽振

天威

王參戎牛鎮剏魏致孺王餘春祺子磨熊口口王杉
園徐叶亭家石甫九人宴集用太西法照爲九髯圖
索題句

九人同宦鄣南北難得華筵其燭光看取揚州木芍藥他
時騰蹕跨飛黃

又

河面從他皺幾多水明樓上閣婆娑丹池一浴霜髭變黃
野人來定見訶

羅浮山中有黃野人
相傳葛稚川之隸

又

乾隆九老南華集

南蘭陵莊氏九老唱和詩一冊予得之
檇甸卷中人壽皆至八九十望實清峻

昇平盛事也

望氣今占小九華此會明年吾得與剖來海上棗

如瓜

友人新爲買三泖宅寄贈前主人

人生天地間不異傳舍居軀殼非我有何況戀田廬卜居
惟洛食洛旋化爲墟都邑難久恃豈况窮欄閭朱門與蓬
戶窮達信所如突厦不爲美瓜牛豈嫌泖聊取容兩鄰角
巾賦歸與柳胡以五號桑戒戀三呿猶滯名相迹慎勿宿
遽廬但得樓一角飛霞瞰丹除左攬壺嶠勝右醺洞庭渠

晨樵采芝朮晚牧憩樊陔飲溼餐六氣中祕借三車肱我
雲爰籤炊我雕菰精招我南郭侶把我東皇裾飽我看山
趣飭我中園蔬松風吹玉笙出則帶經鋤萬事不挂眼誓
與世情疎

又

定林自有主平泉非我石奇章石千株今爲阿誰宅荆公
塋爲寺瓦礫俄金碧焦先亦露卧寒巖甘帖席古來賢聖
宅遺書且糟魄何況一椽寄豈其真履迹曷捨刻舟求各
爲上皇客吾家簡齋翁頗接甌北席况君忠毅裔吾敬銘
清白慨然今付囑離門吾豎闢我生久旅人衰白悵半百

藉茲魚菽祭稍以塞罪責曉發漁浦潭少次富春驛三十
山旬間鄉里亦非隔山花繁深紅山鳥仍格磔延緣刺舟
去將家就蠶麥翛然兩相忘我與君各適兩家子孫長綿
秣詩禮澤一言須記取放心收茶役各毋落吾事勤殖寸
陰惜仁爲大宅安德喜佳鄰獲末句謂訥生儀庭伯齊仲英香遠思齊淵甫諸君子
皆雲間一時之雋

寄思齊

緣慳一節共雕菰相見時難意興孤千劫四風輪簸盪五
湖三畝宅蕭疎烽烟何地杳聲寥諧隱無心笑俗儒君是
南州一龍劍迢迢望氣剗昭蘇

緒山西軒宴集薄暮醉歸書此

圓光乍東上落景入西冥墟落生翳映潭淙盪空明巖局
古冶鐵石駁皴霞青層軒出繫表梵宇躋地靈山非九芙蓉
秀削具真形遠襟洞楚矚長劍倚吳硯宗匠邈難接新
機化不停筵霑吾輩醴屬似往賢經悲涵萬古意名鏘絕
壁馨冬巖有龍蟄凍卉無芭腥深巖注東海塔光倒亭亭
厂松低架屋欄竹亞成町天樂魚潛上清言暖出聽醉敲
眾仙舞袖拂天風冷騎閤一逕塞座對千嵐屏棲真欲毋
返吐納夜床惺湛寂黃蘗印超搖赤松矜此樂信无極多
生老復丁將歸更留戀會友勒仙銘

北出有地名一天門戲題

區區僻陋一江村

有酒樓勝云一江村

薄晚行人酒肆醺別有一天

門可止張筵昨宴九華君自從得道陵陽去坐鶴人間今更舂

夜起四更雪

風定已深更四圍人籟絕鑪中宿火無研穴輕冰結披衣坐窗陰微聞竹騷屑忽憶孤山畔寒梅稍舒纈斜飛一片花冷夢重衾徹予今亦閉關攤几楞伽偈塞開待晨光心迹雙映澈懸知野舫橫雪壓漁家蘊寂處道機生真源不可說

雪窗下靜坐追憶亡兒松喬

南來失汝已經年

戊子臘月兒隨予甘
遊城西善果寺

廿

蔗種原無有實紅
蕉質亦豈常堅打
窗竹偃蕭蕭雪泊
坐鱸生續續烟我
媿忘情非太上凡
塵未脫世拘纏

觀物

庭中蘭竹桃久作
四枯姿忽現四榮
相鏤玉綺交枝條
繁乍霏結瑩纈正
迷離天工巧翦刻
枯冬迴瓊蕤老思
戒綺語造物慰吾
衰遺蝗潛入地禾
麥美來茲聊以澹
幽憂畏壘蘇民疲
粗官服食具清娛
樂間棋非復黃精
腸藜莧田間饑那
知郊外甿凍餓無
三衣雪深已一尺
何人閉門籬

未能撥仄陋辟此山澤奇欲表釣屠隱上儲龕採資茶我
衍素飽觀物但娛嬰徒糜太倉粟日力鏤冰脂虛談恐廢
務甯忘胼與胝憂來念民物既雪祝晴曦

題賀監正書龍瑞宮碑後

會稽

陶潛宣

文沖

十年夢遶龍宮記覆釜蒼蒼祕始窺
在覆釜山之半嶺巨石摩崖 不見
山陰真種子迷離棗木至今疑

文沖以新按得賀監碑搨遺余爲之狂喜奉和

陰崖鸞鶴衣落荔獨上陶生偶得之云是四明狂道士眼
明今始慰湛思

當時紙盡語隨盡落筆春林絢采如不獨千秋尋妙迹
賀公

晚爲千秋觀道
士年至八十六體清心逸更華予

阿房

阿房前殿架屏顏閣道飛空繭館環表海作門天忽醉以
人從欲運方艱千年石甕山誰徙十萬橫磨劍久謾猶有
相斯工篆刻長留筆勢妙紆纒

花下

碧桃花下流光駛爲惜華年荏苒過鰲臂蛾眉俱老去長
繩繫日事如何

江閣卽事五截句

蟲穿鳥啄水明樓瘦藤一枝成獨遊不見幢幢九華頂只

緣雪暗海西頭

又

飛霞閣裏人都盡莫

子德先生戴子高張山鰲叔倪恭父草一邱華表

千年鶴重到風流江表不勝愁

又

兩京君臣豺虎邊憂端虹洞冰塞川蕭然伊呂不難致指
撝諸將韓彭然

杜公詩伊呂終難降韓彭不易呼出塵皆野鶴歷塊匪
轅駒言國家必有重臣握政枋於內然後可以駕馭悍
桀之將於外而徐收其效辦天下之大事者輕天下之

爵祿而不可縻一視萬物混金瓦之注而不可眩者也
故以出塵野鶴喻之詩六月毛傳言人君當用孝友之
臣治內文武之臣治外二者不可偏廢卽其指也故汲
直侍幄淮南寢兵江陵枋國戚俞用命文饒草詔澤潞
服移刺建牙尋思牧

又

窮島跛牂來撼嶽黟山塊土欲填河人言九事八爲律精
衛區區力幾何

又

咫尺家山尙夢中當年松與我俱童深藏爪嘴冬巖裏還

我朝南葬北風

上虞山尙書

久應朝望推迂叟 敕以時艱相弱翁
三獨坐依仙掌露 十思疏寫御屏風
指麾漸欲清裨海 屢屢由來仰至公
今夜月明堪北望 戴匡星傍紫微宮

西園老少會者十三人以序敷坐合照一相予爲題
曰一合相

春浴沂陽六七八人坐忘仕隱點知津
不須得失雙台較 寫入天機涉趣新
真之釣台捺不住寫入雲台坐不定陳同父語也

又

言二
非妄非真一合相无喧无寂三淵觀稻麻竹葦有其性何
况天泉王伯安

蘭凍垂病矣遙之密室以溫之

孤生鄭所南畫蘭不畫土今汝土尙淨惟離左徒圃山澤
之間氣摧眉入欄戶土薄露根傷光汎風葉舞昨緣厚地
凍冰霰霏集宇殘生性豈枯涸陸聊相煦紫莖病無色綠
葉萎且俯移之入蟄室聊避雪雰侮將汝共歲寒明燈照
夜午疏枝冰交加遠葉鋏翦鏤蕭然十九客結束纒佩古
蕉萃出塵姿猗移逸民廬來春若吾德一幹一花吐羅生
有餘妍秀壓芳洲杜

項王謂故人
云吾爲若德

六潭居士寒夜獨酌走以病足不獲侍密坐而呼童

奴送酒社戲作

陶公雅兀傲虬視監江州白衣送美醞第博葛巾縐昔同
建威佐今奚須而謀名毋挂吾集趣成獨酌幽汲水明玉
剎蕭然老坡遊雪衝黃師是酒餉青棠舟法喜譚一笑葉

禪銷千愁

傳青主白
棚老葉禪

綠衣有公言老學費幾蒐

陸放翁拈
出此事宜

爲坡集作箋注甚不
易見老學菴筆記

九域紛未一十策君勤搜智計出龜

灼義聲射鵬毆旣鉉陶坦率亦笑坡沉浮虛名兩無取泚

緝倘見收妙哉不龜藥素抱絕常流不得佐 國論翻來

荒江頭捧檄論卜式憑濠拉莊周月寒淩歛白雪霽丹山

邱溪毛佐羹雁檐羽宿鉤輶竹弄影璫碎詩嘲韻伊嚙屹
憐夔一足烏落樊雙啾天公恠兩鳥各捉一處囚賊而成
合併眾形恣琯鏤予跋成獨卧公酌散百憂指公囊底智
噤予舌存不陶不與龐晤坡不與谷酬戲攝玻璃江鬢頭
春可求澆君荔支綠語罪避亦優明探荆山勝期泛酒舩
游相攜兩瘦藤蹋破十名洲雖無丈二組各醉三千秋醉
則相枕藉寒壁天風颭約君爲大小荆山之游去此十五里元人歐陽圭參所常游也間有
摩厓寒壁兩大字前
明駱御史駿曾鑿

京師三憶詩

憶香山卧佛寺中杪羅花

同游當日朱黃同昭父再漢北潛今南北今存兩幸民只惹

杪樺花一笑然和掣電百年身

憶崇效寺朴和上題名卷

松山又接杏山烽寄慨青紅此卷中閱世階前老楸樹幾
看桑海幻沙蟲

憶西黃寺清淨化城

昔尋華蓋入西黃花葉穹碑禮法王大胡土克圖棍克紮
拉參昔居此今在新
臨北路情河庫爾烏蘇之間建寺栖止說法度生今日入
土爾扈特厄魯特游牧部落頗信從之咸受約束
英溝憶汝可能飛箭射天狼

小除日約六潭同守歲

詩三

聖

水明樓

濁世胡仍效獨醒屠龍亦且付湛冥正愁臘尾年垂盡何
幸天涯劍合併鄉味吳羹便一飽怨詩楚調索誰聽舞筵
俱礙迴旋袖莫笑書生未勒銘

和

天台王詠霓子裳

一甌餉我醉兼醒共注冬經揅罔冥肝膽照人非楚越交
游殘臘憶幽并相逢爪印泥中見隔屋書聲枕上聽兀坐
六時蓮漏永同參迂叟布衾銘

于湖小集詩三終